

UGOVOR O JAVNOJ NABAVCI - ROBE

Ugovorne strane:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija br. 8., Sarajevo, koga zastupa direktor Azra Muzur, dipl.inž.građ. (u daljem tekstu: Kupac)

i

2. **„Mimas-Ing“ d.o.o. Sarajevo**, ul. Džemala Bijedića br.185/12 Sarajevo, koga zastupa direktor Mirsad Dučić (u daljem tekstu: Prodavac).

Član 1.

Predmet ovog ugovora je nabavka roba: **„Revitalizacija laguna na Izvorištu Bačevo“** (predmetna nabavka je planirana pod rednim brojem 452. u Planu javnih nabavki za 2019. god.), po provedenom postupku javne nabavke putem konkurentskog zahtjeva za dostavu ponuda a sve prema tenderskoj dokumentaciji br. KZ 49/19 i usvojenoj ponudi broj: 04.05/19 od 08.05.2019. godine koja je sastavni dio ovog ugovora.

Član 2.

Ukupna vrijednost nabavke roba iz člana 1. ovog ugovora bez uključenog PDV-a iznosi: **39.214,60 KM** (slovima: tridesetdevethiljadvijestotinečetnaest i 60/100 KM).

Ukupna vrijednost nabavke roba iz člana 1. ovog ugovora sa uključenim PDV-om iznosi: **45.881,08 KM** (slovima: četrdesetpethiljadaosamstotinaosamdesetjedan i 08/100 KM).

Ugovorena cijena je fiksna i ne podliježe bilo kojim izmjenama.

Član 3.

Obaveze Naručioca radova:

- da najkasnije u roku od 15 dana od dana zaključivanja ugovora dostavi Izvođaču radova potrebnu dokumentaciju i uvede ga u posao
- da zahtjeva od Izvođača radova da radove izvede prema tenderskoj dokumentaciji,
- da prije početka izvođenja radova pismeno obavijesti Izvođača o licu kojem je povjereno vršenje nadzora nad izvođenjem radova,
- da nadzorni inženjer kojeg imenuje Naručilac radova, ovjeri dostavljene mjesečne situacije
- da potvrdi iznos koji treba platiti Izvođaču ili u slučaju potrebe isključi ili smanji bilo koju stavku koja je obračunata u dostavljenoj mjesečnoj situaciji, a nije u skladu sa usvojenom ponudom
- da izvrši plaćanje u skladu sa odredbama ovog ugovora,
- organizovati primopredaju izvedenih radova od strane izvođača radova.

Član 4.

Obaveze Izvođača radova:

- da prije početka izvođenja radova pismeno obavijesti Naručioca radova o licu koje je odredio za rukovodioca radova.
- da sve radove iz člana 1. ovog ugovora izvede u skladu sa uslovima propisanim u tenderskoj dokumentaciji na osnovu koje je prihvaćena ponuda,
- da upotrebljava materijal i opremu koji odgovaraju tenderskoj dokumentaciji i prihvaćenoj ponudi,
- izvesti radove na način, u rokovima i po cijeni određenim ugovorom,

- da nadzornom inženjeru dostavlja mjesečne situacije o procijenjenoj vrijednosti obavljenog posla minus kumulativni iznos koji je ranije potvrđen
- poduzimati sve potrebne mjere za sigurnost i zaštitu gradilišta, susjednih građevina, radne opreme, materijala i okoliša, svojih radnika, ostalih sudionika u gradnji, zaposlenih Ugovornog organa, prolaznika i prometa i državne imovine prema važećim propisima.
- osigurati potpunu primjenu svih zakonskim mjera i sredstava zaštite na radu,
- postaviti znakove upozorenja i opasnosti u svrhu sprječavanja bilo kakvih nezgoda na gradilištu, odnosno sprečavanja nekontroliranog pristupa ljudi na gradilištu,
- osigurati i kontrolirati korištenje osobnih zaštitnih sredstava i zaštitnih naprava,
- pridržavati se propisanih mjera pri upotrebi opasnih oruđa i tvari,
- obezbjedi sve ateste, nacрте ili odgovarajuće prospekte i upute o rukovanju i održavanju za sve materijale i opremu,
- da vodi urednu i detaljnu evidenciju o napredovanju radova, građevinsku knjigu i građevinski dnevnik, sve u skladu sa propisima, dužan je osigurati uvid u iste nadzornom organu, te ih supotpisivati sa Nadzornim organom.

Član 5.

Budući da se izvođenje radova obavlja u I zaštitnoj zoni glavnog izvorišta Bačevo i na objektima za vještačku infiltraciju koji direktno imaju utjecaj na podzemne vode provoditi će se strogi režim mjera zaštite i kretanja tokom radova, koje su propisane u predmetu radova te se Izvođač radova obavezuje:

- Da će za mehanizacija i vozila koji će se angažovati na realizaciji projekta dostaviti ovjerenu kopiju izvještaja o izvršenom tehničkom pregledu
- Da će obezbjediti sanitarne mjere zaštite tokom radova prema zahtjevima VIK-a (postavljanje zaštitne folije prilikom parkiranja i to ispod motora mehanizacije u cilju sprečavanja pojave curenja ulja u vodozaštitnoj zoni i sl.)
- Da će u slučaju pojave curenja ulja ili drugih incidentnih pojava odmah izvršiti uklanjanje mehanizacije iz vodozaštitne zone i sanaciju kontaminiranog zemljišta

Član 6.

Rok, uslovi i način plaćanja: Plaćanje će se vršiti u roku od 60 dana od ispostavljanja fakture odnosno mjesečne situacije.

Plaćanje po ovom ugovoru će se izvršiti sukcesivno u skladu sa dinamikom realizovanih aktivnosti i prihvatanju dostavljenih mjesečnih situacija i izvještaja od strane Izvođača radova prema Naručiocu radova, a nakon što ista budu doznačena na račun KJKP „Vodovod i Kanalizacija“ d.o.o. Sarajevo, a na transakcioni račun izvođača radova br.1027080000006944 kod Union banke d.d.

Član 7.

Izvođač radova će predmetne radove izvesti max. u roku 30 dana od dana uvođenja u posao. „Dinamiku radova definisat će naručilac preko Nadzornog inženjera, shodno uslovima koji budu obezbjeđeni na glavnom izvorištu Bačevo s kojeg se vrši vodosnabdijevanje Kantona“.

Član 8.

Nadzorni inženjer kontroliše rad Izvođača i obavještava Izvođača radova o svim nedostacima koji su pronađeni. Takva kontrola nema uticaja na odgovornosti Izvođača radova. Nadzorni inženjer može dati upute Izvođaču radova da traga za nedostacima i otkrije i testira svaki dio radova za koji Nadzorni inženjer smatra da bi mogao imati nedostatak.

Član 9.

Ako Nadzorni inženjer naloži Izvođaču radova da provede test koji nije preciziran u specifikaciji da bi provjerio da li neki dio radova ima nedostatak, te to bude potvrđeno testom, Izvođač radova plaća test i sve uzorke. Ako nedostatak ne postoji, sve troškove plaća Naručilac radova.

Član 10.

Nadzorni inženjer nakon što uoči nedostatke pismeno obavještava Izvođača radova o svim nedostacima prije kraja perioda odgovornosti a koji počinje završetkom radova. Period odgovornosti za nedostatke produžuje se sve dok se ne otklone nedostaci.

Član 11.

Svaki put kada je prijavljen nedostatak, Izvođač radova ispravlja nedostatak koji je prijavljen u vremenskom periodu koji je naznačen u obavještenju Nadzornog inženjera.

Član 12.

Ako Izvođač radova ne otkloni nedostatak u periodu koji je naznačen u obavještenju Nadzornog inženjera, Nadzorni inženjer procjenjuje trošak otklanjanja nedostatka, a Izvođač radova plaća taj iznos.

Član 13.

Predmjer radova koristi se za izračunavanje ugovorne cijene. Izvođaču se plaća količina uradenog posla po stopi iz Predmjera radova za svaku stavku.

Izvođač radova Nadzornom inženjeru dostavlja mjesečne izvještaje o procijenjenoj vrijednosti obavljenog posla minus kumulativni iznos koji je potvrđen u ranije dostavljenim mjesečnim situacijama/obračunima.

Član 14.

Nadzorni inženjer provjerava mjesečnu situaciju/obračun radova Izvođača radova i potvrđuje iznos koji treba platiti Izvođaču.

Član 15.

Naručilac radova može odobriti produženje roka za izvođenje radova u slijedećim slučajevima:

-kada Naručilac radova izda zahtjev za obustavljanje ili usporavanje radova u cjelini ili djelimično,

-prirodne pojave kao što su zemljotresi, klizišta, poplave ili izuzetno nepovoljni vremenski uslovi koji sprečavaju izvođenje radova (viša sila).

Član 16.

Za eventualno produženje ugovorenog roka izvođenja radova, koji nije na traženje Naručioca radova, Izvođač radova je dužan podnijeti pismeni zahtjev Naručiocu radova u kojem će navesti razloge za produženje kao i vrijeme produženja.

Član 17.

U slučaju kašnjenja u izvođenju radova, do kojeg je došlo krivicom Izvođača radova, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koja je predmet narudžbe. Izvođač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca radova.

Član 18.

Izvođač radova će biti oslobođen plaćanja ugovorene kazne ako je do neispunjenja ili neurednog ispunjenja ugovorne obaveze došlo zbog uzroka za koje on nije odgovoran.

Član 19.

Izvođač će garantovati da su izvedeni radovi i oprema u vrijeme primopredaje u skladu sa ugovorom, propisima i pravilima struke i da nemaju mana koje onemogućavaju ili umanjuju njegovu vrijednost ili njegovu podobnost za redovnu upotrebu.

Nadzorni inženjer, će izdati, na osnovu pisanog zahtjeva Izvođača i nakon što potvrdi da su radovi završeni, potvrdu o završetku radova.

Član 20.

Naručilac radova će preuzeti lokaciju i radove u roku do sedam dana nakon što Nadzorni inženjer izda Potvrdu o završetku radova.

Član 21.

Garantni rok na izvedene radove, teče od dana nakon što Nadzorni inženjer Naručioca izda potvrdu o završetku radova, a traje 365 dana.

Član 22.

Nedostatke na izvršenim radovima koji se pojave u garantnom roku, Izvođač radova je obavezan otkloniti u roku koji odredi Naručilac radova. Ukoliko Izvođač radova ne postupi po zahtjevu, Naručilac radova ima pravo da na račun Izvođača radova otkloniti nedostatke angažovanjem drugog Izvođača. Izvođač radova je dužan da Naručiocu radova nadoknadi stvarnu štetu nastalu zbog otklanjanja nedostataka drugog Izvođača.

Član 23.

Gubitak ili oštećenje na radovima ili materijalima koji ulaze u radove između **datuma početka i kraja perioda odgovornosti za nedostatke** popravljaju se od strane i o trošku Izvođača radova, ukoliko gubitak ili oštećenje proizlaze iz djelovanja ili propusta Izvođača radova.

Član 24.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 25.

Sve izmjene i dopune ovog ugovora mogu se vršiti isključivo i samo uz pismenu saglasnost ugovornih strana.

Član 26

Izvođač radova nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 27.

Naručilac radova može pisanim obavještenjem poslatom Izvođaču radova, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Izvođač radova propusti da izvrši radove u vremenskom periodu određenom u ugovoru;
- ukoliko Izvođač radova propusti da izvrši sve druge obaveze prema ugovoru koje bitno mogu djelovati na rad Naručioca;
- ukoliko Izvođač radova propusti da dostavi garanciju za uredno izvršenje ugovora kako je definisano u članu 4 ovog ugovora.

- ukoliko Izvođač radova bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Naručilac ima prema Izvođaču radova.

Prodavac, može takođe pismenim putem raskinuti ovaj ugovor, u slučaju da Naručilac ne ispuni obavezu plaćanja, kako je definisano u članu 6. ovog ugovora.

Član 28.

Sastavni dio ovog ugovora su:

- tenderska dokumentacija broj KZ 49/18
- prihvaćena ponuda Izvođača radova broj 04.05/19 od 08.05.2019

Član 30.

Ugovor stupa na snagu kada ga potpišu obje ugovorne strane a zaključuje se na period od 6 mjeseci od dana potpisivanja istog.

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.


Za Prodavca:

Za Kupca:

v.d. Izvršni direktor
za tehničke poslove i razvoj


Kemal Halvadžija, dipl.inž.građ.

v.d. Izvršni direktor
za vodovodni sistem


Salhudin Bakal, dipl.inž.maš

Direktor

Mirsad Dučić



Direktor

Azra Muzur, dipl.inž.građ.



Broj: 07-05/19.....

Datum: 24.05.2019.....

Broj: 219/19.....

Datum: 24.05.2019.....